



Feto maksalak

Tempu Kuarezma mak tempu ne'ebé favoravel atu reflète kona-ba ita-nia moris nu'udar ema maksalak no halo esperiênsia kona-ba Maromak nia laran luak no perdaun. Tan ne'e ita sei hateke ba feto maksalak ne'ebé hasoru Jezús iha fariseu ida nia uma.

INTRODUSAUN

Dala barak, bainhira temi pasajen ida ne'e, ema hanoin ba Maria Madalena, tanba filme ruma kona-ba Jezús hatudu Madalena iha momentu ida ne'e. Maibé se ita lee didi-ak Evanjellu, ita bele haree katak laiha feto nia naran, maibé dehan de'it "feto maksalak" ka "feto sala na'in" ka "feto moris aat".

Evanjelista sira seluk temi akontesimentu ida ne'e molok Jezús nia terus, nu'udar sinál venerasaun nian ba Jezús; maibé Lukas "uza" pasajen ida ne'e atu hatudu Maromak nia karakteristikidade ida importante : laran luak no perdaun.

Nune'e, maski iha karik pasajen seluk husi Evanjellu halo ita komprende katak Maria Madalena halo esperiênsia forte kona-ba Jezús nia perdaun, maibé iha ne'e ita konsidera feto seluk.

knanoik, Nia halo ema reflète no ema rasik presiza kompara ninia esperiênsia no fó resposta. Maibé mós, Jezús hatudu katak Maromak nia sasukat la hanesan ho ema sira nian; Jezús hateke ba ema nia fuan no intensaun, la para de'it iha "liur" no "fó premio" ba sira ne'ebé buka eh hadomi Nia ho fuan tomak.

KONVIDADO sira: Evanjellu temi sira iha momentu ikus de'it, hodi esplika katak sira hakfodak bainhira rona Jezús nia liafuan sira. Sira tuir konvite, maibé sira la tama iha akontesimentu ida ne'e, sira sai de'it "penonton", ne'ebé ladún komprende buat ne'ebé mosu iha sira-nia oin to'o ikus.

LIAFUAN ruma ne'ebé importante atu komprende pasajen ida ne'e

HAN HAMUTUK: iha tradisaun judeu sira nian, ema la tuur iha meja ho "malai" ida, ho ema ne'ebé nia la hatene, maibé han hamutuk sai sinál kona-ba amizade, domin. Tan ne'e atu espresa katak iha Reinu Lalehan nian ita sei hetan ksolok, Jezús dala barak ko'alia kona-ba han hamutuk. Evanjelista Lukas de'it hakerek iha ninia Evanjellu katak Jezús ba han ho fariseu sira, hodi halo ema komprende katak Jezús buka atu hari'i relasaun di'ak ho fariseu sira. Maibé, Simão konvida Jezús atu han hamutuk la'ós

Ita hahú ita-nia reflesaun hodi husu Espíritu Santu nia tulun atu buat hotu ne'ebé ita lee no komprende bele mai husi Maromak no leno ita-nia moris loron-loron nian

*Lee hakmatek Evanjellu:
Lk 7,36-50*


LECTIO


Lee fali ho atensaun no evidênsia personajen ida-idak ne'ebé mosu iha pasajen ida ne'e:

SIMÃO, FARISEU: nia konvida Jezús iha ninia uma, maibé, hodi haree oinsá nia simu Jezús, bele duvida katak ninia intensaun la'ós konvida Jezús nu'udar belun ka mestre (hanesan nia dehan), maibé nia hakarak "estuda" Jezús, haree buat ne'ebé nia halo ka dehan. Tan ne'e, Simão la tuir tradisaun judeu sira nian ne'ebé hateten katak bainhira baina-ka tama uma presiza fó ba nia bee atu hamoos nia ain, re'i nia no seluk tan ne'ebé Simão la halo (tuir buat ne'ebé bele lee iha Evanjellu). No mós, bainhira feto maksalak hakbesik Jezús, Simão nia hanoin aat kedas, husi "liur", tuir buat ne'ebé nia haree hodi la buka moti-vasaun seluk, nia julga kedas Jezús nia hahalok.

FETO MAKSALAK: nia la simu konvite, maibé la mo'e atu tama iha fatin ida ne'ebé ema hotu sente sira-nia an "loos", hodi hatudu katak nia mak feto sala na'in. Nia halo buat hotu ba Jezús hanesan ema seluk laiha, nia hatudu ninia domin, nu'udar sinál katak nia hakribit ninia salan. Ba feto ida ne'e, la importante buat ne'ebé ema seluk bele dehan, nia hakarak de'it, Jezús nia atensaun.

JEZÚS: Nia haree Simão nia hahalok no feto maksalak ninian, maibé nia nonok, "observa" de'it too bainhira Nia "sente" buat ne'ebé Simão hanoin kona-ba Nia no kona-ba feto ida ne'e. Jezús iha ninia estilu atu halo ema komprende ninia hahalok: Nia uza ai-





atu halo buat ne'ebé Maromak hakarak.

Ó hakarak Ha'u atu halo sa ida ba ó?: Jezús foin halo pergunta ida ne'e ba eskolante sira ne'ebé haksasuk malu (kf. Mk 10,36), maibé bainhira eskolante sira husu atu tur iha Jezús nia sorin karuk eh loos, Nia la fó buat ne'ebé sira husu. Oras ne'e, Nia hatán kedas ba Bartimeu nia harohan

HAREE: verbu ida ne'e, iha evanjellu Markos nian, la signifika de'it aspetu isin nian, maibé, liuliu iha kap. 16, bainhira Jezús moris hi'as ona, liafuan *haree* la'o nafatin ho liafuan *fiar*. Nune'e buat ne'ebé Bartimeu husu sai simbolu kona-ba fiar loos nian.

LA'O TUIR: buat hotu ne'ebé mosu ba Bartimeu, iha efeitu ida de'it: nia sai "eskolante", ema ne'ebé la'o tuir Jezús nia dalan. Bainhira Jezús foin mate, jentiu sira hanaran sarani sira "sira ne'ebé tuir dalan". Tuir Jezús nia dalan mak ema nia vokasaun.


MEDITATIO

Ema ne'ebé mosu iha pasajen ida ne'e, dezafia ita, nu'udar animadór, no ida-idak bele hateke ba ninia moris ho Jezús nia matan, ka Simão nia matan, ka feto maksalak nia matan

- ? Simão mak fariseu ida ne'ebé sente nia nu'udar ema loos, tan ne'e, bainhira nia haree feto maksalak tama iha ninia uma no haree nia fase Jezús nia ain, hodi hateke husi liur, nia hanoin aat kona-ba feto ida ne'e no Jezús tesi lia kedas. Sai animadór bele halo ha'u hanoin katak ha'u mak di'ak liu fali ha'u-nia kolega sira, ka ha'u iha kapasidade barak liu ka ha'u mak barani. Oinsá ha'u konsidera ha'u-nia prezensa iha oratóriu nu'udar animadór? Keta karik ha'u sente katak ha'u di'ak liu fali kolega sira seluk no ha'u iha direitu atu julga sira seluk? Oinsá ha'u hateke ba labarik no foin-sa'e sira ne'ebé Maromak entrega iha ha'u-nia liman? Ho matan domin nian ka ho matan ne'ebé hein de'it atu duun matak sira?
- ? Jezús hateke ba buat ne'ebé mosu no foufoun la ko'alia hodi hein buat ne'ebé sei tuir; iha situasaun sira ne'ebé susar atu komprende, ha'u hatene hein, reflète no koko atu buka aspetu pozitivu iha situasaun sira?
- ? Ita hotu simu "de grasa" husi Maromak, Na'i nia domin mai uluk, molok ema hatene no selu fali (hanesan Amo Papa Bento XVI hakerek iha ninia ensiklika "Dominus caritas est"); maibé ema bele hatán ba Nia hodi hadomi maluk sira ho domin ne'ebé la buka interese: S. Paolo dehan: "Imi simu de grasa, imi fó de grasa"! Ha'u hatene hadomi hanesan ne'e labarik no foin-sa'e sira ne'ebé ha'u hasoru?
- ? Se Maromak halo pasu dahuluk, hodi hadomi ema, ita presiza "husik" Nia hadomi ita: ema sira ne'ebé halo an, ne'ebé hanoin katak sira la presiza buat ida, sira ne'e la fó fatin ba Maromak nia domin. Ha'u hatene rekoñese ha'u-nia salan, hodi "aproveita" ho sakramentu Rekonsiliaun nian atu bele simu perdaun? Ha'u rasik hatudu ba oratorianu sira, hodi konfesa pelumenus fulan ida dala ida, katak ha'u presiza Maromak nia perdaun atu bele moris iha ksolok no domin?
- ? Feto ida ne'e la husu buat ida, maibé simu buat barak, la dehan buat ida, maibé nia hahalok sira "ko'alia". Ema ne'ebé simu perdaun no domin bainbain moris hodi agradese ba buat hotu ne'ebé Maromak haraik ba Nia no hodi sai ema ne'ebé lori maluk sira atu halo esperiênsia hanesan. Ha'u hatene moris hodi agradese ba Maromak nia domin no perdaun, ka, ha'u mós "ezije" husi ema seluk? Oinsá ha'u bele hatudu katak ha'u mak ema "rekonsiliadu" ho Maromak, ho ha'u-nia an no ho ema seluk?

ORATIO

Kalan-kalan ita halo ezame de konsiênsia: ha'u koko atu rekoñese ha'u nia sala sira no husu perdaun ba Maromak, maibé mós atu haree buat ne'ebé Maromak haraik mai ha'u iha loron laran, ka buat di'ak ne'ebé ha'u halo ba ema seluk, hodi agradese Na'i.



ACTIO

Reflète tiha kona-ba pasajen ida ne'e, ha'u bele halo saida atu konvida oratorianu sira atu hakbesik ho sakramentu Rekonsiliaun nian no ha'u rasik sai fiel ba sakramentu ida ne'e?